



28 September 2010

Comunicado pa prensa

Arte Virtual pa Rancho cu Ryan Oduber

Workshop pa hobennan na Museo Arqueologico Nacional Aruba

Den e siman di vakantie na Oktober, Museo Arqueologico Nacional Aruba ta ofrece un workshop pa hobennan entre 15 pa 18 aña bao guia di e artista Ryan Oduber. Usando e plan virtual 3Dimensional di Rancho cu a ser traha pa Ryan Oduber pa e exposicion temporario di Museo, *Rancho, Nos Barrio, Nos Museo, Tira un bista*, participantenan lo traha maquetenan virtual pa un parke di escultura virtual den e vision futuristico aki pa e barrio Rancho.

Huntu cu artista Ryan Oduber, hobennan lo explora den e workshop aki e diferente formanan arquitectonico cu por ser encontra den e barrio di Rancho. Lo duna un introduccion di obranan di e artista mes como tambe den escultura y monumentonan existente na Aruba y otro parti di mundo. Cu e inspiracion aki hobennan lo duna forma na un escultura cual obra lo ser construi den e espacio 3Dimensional virtual. E maquetenan virtual aki lo ser presenta despues na publico.

E workshop ta di dia 3 pa 8 di Oktober di 3'or p.m. pa 6'or p.m. na Museo Arqueologico Nacional Aruba na Schelpstraat 42. Participantenan mester ta entre 15 pa 18 aña. Participacion na e workshop ta costa Afl.10,- pa hoben. Cupo ta limita! Inscripcion ta na bali di Museo Arqueologico di diamars pa diabierna di 10'or di mainta pa 2'or di atardi. Pa mas informacion por yama 5828979.